

Kern 491 (1-10)



(19)

DANIEL WILHELMVS NEBEL,

PHIL. ET MED. DOCTOR, MEDICIN. CHEMIAE ET PHARMACIAE
PROFESSOR PUBLICVS ET ORDINARIVS,

Academiae Electoralis Scientiarum Theodoro-Palatinae Socius,
ORDINIS MEDICI H. T. DECANVS,

AD

DEFENSIONIS INAVGVRALIS

ET

PROMOTIONIS ACTVM

QVO

DOCTISSIMVS LAVREAE MEDICAE CANDIDATVS

GVLIELMVS LVDOV. HOFFMANN,
VMSTADIENSIS,

HEIDELBERGAE

DIE 28. AVGVSTI MDCCLXXXII.

IN AVLA ACADEMICA NOVI WILHELMIANI

DOCTORALIBVS INSIGNIIS CONDECORABITVR,

INVITAT

PRAEMISSA OBSERVATIONE

*De Ulcere prope Umbilicum sinuoso, in ventriculum penetrante,
ex quo alimenta effluebant.*



DR. MED. WILHELM VON REBEL

In der Stadt Halle, den 15ten März 1845

Dem Herrn Dr. med. Wilhelm von Rebel
in Halle

BEZUGNEHMUNG

BEZUGNEHMUNG

TOOTISSIMS LAVRENE MEDICAL CRIDITATS

GEHEIMNIS FÜR DEN HERRN VON REBEL

NESTABITERS

THE 2. AVIATION

THE 2. AVIATION

TOOTISSIMS LAVRENE MEDICAL CRIDITATS

TOOTISSIMS

TOOTISSIMS LAVRENE MEDICAL CRIDITATS

TOOTISSIMS LAVRENE MEDICAL CRIDITATS





OBSERVATIO

*De Ulcere prope Umbilicum sinuoso, in ventriculum penetrante,
ex quo alimenta effluebant.*

Femina quadraginta quinque annorum a prima juventute vitam agebat laboriosam; diuturnitate laborum domesticorum duriorum defatigata & enervata, a multis retro annis sepius spasmodicis ventriculi affectibus laborabat, qui tamen subinde penitus remittebant, cæterum sana erat, statoque tempore catamena fluebant. Die 26. Novembris anni 1776. nupsit Civi hujati; continuabant interdum prædicti affectus ventriculi: gravida facta, durante graviditate, præter dictos ventriculi dolores satis bene valuit. Die 11. Maji 1778. filium peperit sanum robustumque, in puerperio omnia rite succedebant: infantem per integrum annum lactabat, qui semper sanus erat & adhuc vivit. Initio circiter Julii anni 1779. tumorem sentiebat durum in regione epigastrica & hypochondriaca dextra; aucta licet tum magnitudine tum duritie tumoris, tacite tamen mali incommoda sustinuit, nec quidquam consilii aut remedii tentavit: successively demum totam regionem umbilicalem & maximam partem dextri lateris abdominis occupante tumore, ægrotæ nunc adeo molesto, ut perpetuo lecto teneretur, ego die 11. Augusti 1779. in consilium vocabar. Omnibus rite examinatis præter jam adnotata, sequentia observavi. Aegrota debilis admodum erat, pulsus frequens & parvus, alvus sæpe per tres quatuorve dies constipata, aliquoties de die Lipothymiis corripiebatur, respiratio ut plurimum tamen facilis erat, maxime autem de pondere & pressione tumoris infimi ventris, quæ suffocationis metum ægrotæ injiciebant, conquerebatur: hujus inprimis miseræ levamentum unice & anxie efflagitabat. Mox igitur emollientia clysmata applicare, & cataplasma ex speciebus emollientibus paratum tumori super imponere jussi atque medicamentum leniter evacuans præscripsi. Nata inde fuit magno cum levamine ægrotæ lenis diarrhœa, umbilicus emollitus fuit paululum per
cata-



cataplasmata, ut prominuerit, & brevi post ibidem per parvum cutis hiatum purulenta effluxerit materia, de reliquo autem ipse tumor nec imminuebatur nec emollicebatur. Extractum cicutaë, resolutentia alia medicamenta, roborantibus juncta adhibuimus, sed incassum omnia, in dies enim vires magis magisque decredebant quod eo minus mirandum, quia ægrotæ, medicamentorum mox fastidiosa, iis iusta quantitate atque præscripto ordine ac tempore uti recusabat, imo subinde per plures dies plane nulla sumebat. Iam quoque ad distantiam duorum pollicum ab umbilico sursum in dextro latere sponte ulcus extrorsum aperiebatur, ex quo paululum materiæ purulentæ effluebat: ex eo tempore successive pedes tumere incipiebant, postea & facies, & tandem dextra manus, ast tumor durus in regione epigastrica & umbilicali atque maxima parte dextri lateris abdominis semper mansit idem; versus vesperam gravior erat febris accessio, per noctem multo sudore, corpus admodum debilitante, manavit. Ex levi apertura in umbilico nihil, ex ulcere autem prope umbilicum aliquid materiæ purulentæ, sæpius vero ichorosæ profluebat, tandem etiam animadvertebatur comesum olus ex hoc ulcere prodiiisse, simul ut hoc mihi indicatum fuerat, statim ut me de phænomeni hujus veritate certiore facerem, ulcus, quod linteo carpto necessarioque vinculo tantum tectum erat, denudavi, atque ægrotæ nostræ vasculam lactis epotandum dedi, quinque circiter minuta post lac ex ulcere cum impetu profluere vidi, idem cum oxygala, aqua, aliisque fluidis aliquoties tentavi, simili cum eventu, imo aliquid de comeso olere paulo post ex ulcere protrusum ipse vidi, aliquoties etiam sanguinem congruatum: interim alterno die alvum exoneravit ægra urinamque reddidit. Tandem vero tot miseris confecta placide exspiravit die quinto Novembris 1779.

Multa adhibita opera tandem nobis concedebatur abdomen demortuæ incidendi. Primo externum habitum examinavimus & sequentia observavimus: abdomen non tumidum erat, ast regio epigastrica & umbilicalis & non nullæ regiones inprimis dextri lateris erant indurata; in parvam aperturam, quæ in umbilico erat, penetrabat quidem immissum specillum, sed non profunde, cystis enim quasi erat circa umbilicum: verum immisso specillo in
ulcus





ulcus, quod ad distantiam duorum pollicum ab umbilico sursum in dextro latere erat, sub musculis & supra peritonæum penetrabat sursum versus cartilagineam Xiphoideam, ostium ulceris sphacelofum erat & adeo latum, ut apicem digiti admitteret: immisso in hoc ulcus sulcato specillo sinum longitudinaliter aperuimus vidimusque in regione ventriculi penetrasse peritonæum & in ipsum ventriculum se determinasse. Vt viscera abdominalia examinare potuerimus, consueta cruciata sectione abdomen aperuimus, mox detestabilis fœtor cadaverofus prorumpebat, & nigricans humor effluebat; muscoli abdominales, imprimis recti, erant quasi indurati; inferior pars lobi sinistri hepatis & totus dexter lobus hepatis erant scirrholi; intestinum duodenum totum scirrholum erat, similiter & colon; reliqua intestina bene constituta; glandulæ mesaraicæ justo majores durioresque; pancreas valde magnum & induratum; arcus major ventriculi similiter induratus erat; in ventriculo ulcus erat ad distantiam unius circiter pollicis a pyloro, quo in loco ventriculus peritonæo accretus erat; ulcus hoc ventriculi communicationem habuit per sinum infra musculos & supra peritonæum decurrentem cum ulcere supra descripto, quod ad distantiam duorum pollicum ab umbilico sursum in latere dextro extrorsum apertum erat, per quod magna pars alimenterum effluxit; supra cardiam magna glandula inveniatur, quæ pollicem unum cum dimidio lata & tres pollices longa erat. Hæc sunt præcipua quæ ob temporis angustiam examinare poteramus. Thoracem incidendi nobis non concessum erat.

Sufficiant hæc præfationis loco occasione invitationis publicæ ad Dissertationem inauguralem & actum promotorium

DOCTISSIMI LAVREAE MEDICAE CANDIDATI
GVILIELMI LVDOVICI HOFFMANN,
VMSTADIENSIS,

qui artem medicam, cujus fundamenta Gœttingæ jecit, per biennium diligenter Heidelbergæ profecutus est. Ad praxin clinicam tam per quadriennium

sub





sub ipsius Patre, *Clarissimo Medicinæ Doctore HOFFMANN, Archisatriarum Vmstadii & Otzbergæ Physico ordinario*, quam & Duce *Celeberrimo hujus Dissertationis PRAESIDE* se applicavit. Porro Mannhemii per medium annum & arti obstetriciæ operam navavit, & nosocomium militum frequentavit. Denique exteris in terris per aliquot annos peregrinando suos in arte medica profectus amplificare studuit. In nostram academiam redux consuetis Examinibus publicis Facultatis nostræ se submisit, in quibus cum omni ex parte satisfecerit, dignus a nobis judicatus est, ut, præmissa lectione cursoria de *Longevitate acquirenda* atque dissertatione inaugurali, de *Constitutione epidemica Heidelbergensi a Septembri anni 1781. ad finem Junii 1782. una cum succinctâ enarratione Catarrhi hujus anni epidemici*, sub præsidio Collegæ nostri *Clarissimi SCHOENMEZEL* propugnata, doctoralibus Insigniis, hujus gradus prærogativis & privilegiis ex decreto Inclytæ Facultatis Medicæ & auctoritate *Illustris PROCANCELLARII* condecoraretur, præmissis quæstionibus inauguralibus

Clarissimi Promotoris:

Quanam Medicina universalis?

Neo - Doctoris:

Quæ sint signa mortis diagnostica?

Quem actum ut præsentia sua condecorent, *Magnificum Academiæ Rectorem* atque *Illustrem Procancellarium*, gravissimos *Senatus Academici Proceres*, *Hospites omnium ordinum honoratissimos*, inprimis generosissimos ac nobilissimos *Academici nostræ Cives*, ea, qua par est, *humanitate invitamus.*

Datum Heidelbergæ die 28. Augusti 1782.

(L. S.)








PICA





(19)

DANIEL WILHELMVS NEBEL,

PHIL. ET MED. DOCTOR, MEDICIN. CHEMIAE ET PHARMACIAE
PROFESSOR PUBLICVS ET ORDINARIVS,
Academiae Electoralis Scientiarum Theodoro-Palatinae Socius,
ORDINIS MEDICI H. T. DECANVS,

AD

DEFENSIONIS INAVGVRALIS

ET

PROMOTIONIS ACTVM

QVO

DOCTISSIMVS LAVREAE MEDICAE CA
GVILIELMVS LVDOV. HO
VMSTADIENSIS,
HEIDELBERGAE

DIE 28. AVGVSTI MDCCLXXX
IN AVLA ACADEMICA NOVI WII
DOCTORALIBVS INSIGNIIS CONDECO

INVITAT

PRAEMISSA OBSERVATIONE

*De Ulcere prope Umbilicum sinuoso, in ventri
ex quo alimenta effluebant.*

